



Odbor za društvene djelatnosti

Broj: 04-GV-04-227/23

Sarajevo, 07.02.2023. godine

ZAPISNIK O RADU 28. SJEDNICE ODBORA ZA DRUŠTVENE DJELATNOSTI GRADSKOG VIJEĆA GRADA SARAJEVA ODRŽANE 07.02.2023. GODINE

Prisutni:

1. Amra Zulfikarpašić, predsjedavajuća Odbora
2. Mirza Memišević, zamjenik predsjedavajuće
3. Bajro Biber, član
4. Samir Fazlić, član
5. Alma Čengić, članica
6. Elvedin Korora, član
7. Alma Jašarević, članica

Sjednici iz Stručne službe Gradskog vijeće Grada Sarajeva prisustvuje:

- Mirjana Đanović Stanić, rukovodilac Stručne službe Gradskog vijeća Grada Sarajeva

Sjednici prisustvuju:

- Sabina Hadžiahmetović, ispred Stručne službe za poslove kabineta i Gradske uprave

Sjednici prisustvuje Izela Kešmer, ispred JU „Gradski Muzeji“ Sarajevo.

Predsjedavajuća Odbora je u 11.05 sati otvorila sjednicu, pozdravila prisutne i utvrdila kvorum za rad i odlučivanje.

Sjednica je započela razmatranjem i jednoglasnim usvajanjem Zapisnika o radu 27. sjednice Odbora za društvene djelatnosti održane 17.01.2023. godine.

Poslije uvodnih napomena, na prijedlog zamjenika Predsjedavajuće, jednoglasno je usvojen sljedeći **dnevni red**:

1. Prijedlog Plana rada Grada Sarajeva za 2023. godinu
2. Prijedlog Odluke o davanju saglasnosti za Program rada JU „Gradski Muzeji“ Sarajevo sa finansijskim planom za 2023. godinu
3. Prijedlog Odluke o dopuni Kalendara obilježavanja datuma i događaja značajnih za Grad Sarajevo
4. Tekuća pitanja



TAČKA 1.

Prijedlog Plana rada Grada Sarajeva za 2023. godinu

Uvodno izlaganje podnijela je Sabina Hadžiahmetović, ispred Stručne službe za poslove kabineta i Gradske uprave.

Mirza Memišević, zamjenik predsjedavajuće Odbora je sugerisao ispravku tehničke greške na stranici 52 i 53 Plana rada Grada Sarajeva za 2023. godinu.

Samir Fazlić, član Odbora je sugerisao da se Plan rada usaglasi sa Budžetom Grada Sarajeva, te iznio prijedlog za zaključivanje.

Elvedin Korora, član Odbora je u 11.20 sati napustio sjednicu Odbora zbog ranije preuzetih obaveza.

Poslije uvodnog izlaganja i diskusije, te sažetka Predsjedavajuće, Odbor za društvene djelatnosti je jednoglasno usvojio sljedeći **zaključak**:

1. Odbor za društvene djelatnosti sugerije Gradskom vijeću Grada Sarajeva da razmatra *Plan rada Grada Sarajeva za 2023. godinu*, kako je predložen.
2. Odbor za društvene djelatnosti sugerije Gradonačelnici da se Projekt restauracije i kolorističke obnove fasada na objektima koji predstavljaju kulturno historijsko naslijeđe proširi tako da se obuhvate i fasada zaštićenih zgrada na području sve četiri gradske općine, a ovdje se posebno ističu fasade pet zgrada oficirskih paviljona orijentiranih prema Vilsonovom šetalištu od mosta Suade i Olge prema zapadu.

TAČKA 2.

Prijedlog Odluke o davanju saglasnosti za Program rada JU „Gradski Muzeji“ Sarajevo sa finansijskim planom za 2023. godinu

Uvodno izlaganje i odgovore na pitanja dala je Izela Kešmer, ispred JU „Gradski Muzeji“ Sarajevo, a u diskusiji su učestvovali Samir Fazlić, član Odbora i Amra Zulfikarpašić, predsjedavajuća Odbora.

Poslije uvodnog izlaganja i diskusije, te sažetka Predsjedavajuće, Odbor za društvene djelatnosti je jednoglasno usvojio sljedeći **zaključak**:

Odbor za društvene djelatnosti sugerije Gradskom vijeću Grada Sarajeva da razmatra *Odluku o davanju saglasnosti za Program rada JU „Gradski Muzeji“ Sarajevo sa finansijskim planom za 2023. godinu*, kako je predložena.

TAČKA 3.

Prijedlog Odluke o dopuni Kalendara obilježavanja datuma i događaja značajnih za Grad Sarajevo

Uvodno izlaganje podnijela je Sabina Hadžiahmetović, ispred Stručne službe za poslove kabineta i Gradske uprave.

Poslije uvodnog izlaganja i diskusije, te sažetka Predsjedavajuće, Odbor za društvene djelatnosti je jednoglasno usvojio sljedeći **zaključak**:

Odbor za društvene djelatnosti sugeriše Gradskom vijeću Grada Sarajeva da razmatra *Odluku o dopuni Kalendara obilježavanja datuma i događaja značajnih za Grad Sarajevo* kako je predložena.

TAČKA 4.

Tekuća pitanja

Mirza Memišević, zamjenik Predsjedavajuće je upoznao članove Odbora da je održana javna rasprava o prijedlogu za donošenje Odluke o provođenju Regulacionog plana „Hepok – Čengić Vila III“ u Općini Novi Grad Sarajevo, na kojoj je bilo prisutno više od 300 građana i koji se snažno protive donošenju rješenja koje se predlaže, i to po skraćenom postupku, i koji su iskazali namjeru da iskoriste sva svoja građanska prava da donošenje takve odluke spriječe.

PREDSJEDAVALA ODBORA

Amra Zulfikarpašić, s.r.

Predsjedavajuća Odbora je u 11.40 sati zaključila rad 28. sjednice Odbora za društvene djelatnosti Gradskog vijeća Grada Sarajeva.